



# basic education

---

Department:  
Basic Education  
**REPUBLIC OF SOUTH AFRICA**

## **SENIOR CERTIFICATE EXAMINATION**

**SETSWANA PUO YA GAE (HL)**

**PAMPIRI YA BORARO (P3)**

**2015**

**MEMORANTAMO**

**MADUO: 100**

**Memorantamo o, o na le ditsebe di le 14.**

**KAROLO YA A: RUBORIKI YA GO TSHWAYA TLHAMO – PUO YA GAE (50 Maduo)**

**ELA TLHOKO:**

- Dirisa ruboriki ka gale fa o tshwaya tlhamo ya boithlamedi (Pampiri 3. KAROLO YA A).
- Maduo a go tloga go 0–50 a arogantswe ka maemo a le 5 a dithaloso.
- Mo ditlhokegong tsa Diteng, Puo le Setaele, maemo mangwe le mangwe a tlhaloso a arogantswe ka dikarolwana tsa maemo a a kwa godimo le a a kwa tlase ka seelo sa maduo se se tsamaelanang le dithaloso.
- Kagego ga e angwe ke karologantsho ya maemo a a kwa godimo le maemo a a kwa tlase.

Ditlhokego		Phitlhelelo ka dinaledi	Phitlhelelo ka matsetseleko	Phitlhelelo ka tekano	Phitlhelelo e e tlhaelang	Ga a fitlhelela
<b>DITENG LE IPAKANYO</b>  (Tsibogelo le dikakanyo)  Thulaganyo ya dikakanyo tsa ipakanyo  Temogo ya maitlhomu, baamogedi le bokao	<b>Maemo a kwa godimo</b>	<b>28–30</b> -Tsibogelo ya maemo a a kwa godimo go gaisa a a tlwaelegileng -Dikakanyo tse di botlhale, tse di gwetlhang mogopolo le go supa kgolo -E rulagantswe le go lomagana ka maemo a dinaledi go tsenyeletsa matseno, mmele le bokhutlo	<b>22–24</b> -Tsibogelo e e tlhamilweng ka matsetseleko -Dikakanyo tse di maleba tota gape di kgathisa le bosupi jwa kgolo -E rulagantswe bontle thata le go lomagana go tsenyeletsa matseno, mmele le bokhutlo	<b>16–18</b> -Tsibogelo e e itumedisang -Dikakanyo di lomagane mo go tlhaloganyegang e bile go kgotsofatsa -E rulagane le go lomagana mo go tlhaloganyegang go tsenyeletsa matseno, mmele le bokhutlo	<b>10–12</b> -Tsibogelo ya tomagano e e sa tlhomamang -Dikakanyo tse di sa tlhapang e bile di se na boithlamedi -Bosupi jo bonnye jwa thulaganyo le tomagano	<b>4–6</b> -Tsibogelo e e seng maleba gotlhelele -Dikakanyo tse di tlhakatlhakaneng le go tlhoka tsepamo -Di gasagane le go boelediwa -Ga e a rulagana e bile ga e a lomagana
		<b>25–27</b> -Tsibogelo e e manontlhotlho mme e tlhaela ditlhokego tse di tsibosang tsa tlhamo ya maemo a dinaledi -Dikakanyo tse di botlhale e bile di supa kgolo -E rulagantswe ka matsetseleko le ka tomagano go tsenyeletsa matseno, mmele le bokhutlo	<b>19–21</b> -Tsibogelo e e tlhamilweng ka matsetseleko -Dikakanyo tse di maleba gape di kgathisa -E rulagantswe bontle le go lomagana go tsenyeletsa matseno, mmele le bokhutlo	<b>13–15</b> -Tsibogelo e e itumedisang mme e latlhegelwa ke go tlhaloganyesega -Dikakanyo di lomagane le go kgotsofatsa -Maemo a a rileng a thulaganyo le tomagano go tsenyeletsa matseno, mmele le bokhutlo	<b>7–9</b> -Bogolo jwa tsibogelo ga bo maleba -Dikakanyo tse di sa lomaganeng e bile di tlhakatlhakane -Ga go na bosupi jwa thulaganyo le tomagano	<b>0–3</b> -Ga go na maiteko a go tsibogela setlhogo -Dikakanyo tse di seng maleba e bile di sa siama gotlhelele -Ipaakanyo e e sa tsepamang e bile e tlhakatlhakane
<b>30 MADUO</b>	<b>Maemo a a kwa tlase</b>					

**RUBORIKI YA TLHATLHOBO TLHAMO YA PUO YA GAE [50 MADUO] (tswelelo)**

Ditlhokego		Phitlhelelo ka dinaledi	Phitlhelelo ka matsetseleko	Phitlhelelo ka tekano	Phitlhelelo e e tihaelang	Ga a fitlhelela
<p><b>PUO, SETAELE LE GO TSELEGANYA/ RUNA</b></p> <p>Segalo, rejisetara, setaele le tlotlofoko tse di maleba go maikaelelo/ ditlamorago le bokao</p> <p>Tlhopho ya mafoko</p> <p>Tiriso ya puo le melawana, tiriso ya matshwao a puiso, thutapuo le mopeleto</p> <p><b>15 MADUO</b></p>	<p><b>Maemo a kwa godimo</b></p>	<p><b>14–15</b></p> <p>-Segalo, rejisetara, setaele le tlotlofoko di maleba le maikaelelo, baamogedi le bokao ka maemo a a kwa godimo</p> <p>-Puo e e tihololo, e itumedisa ka maemo a a tihalegileng</p> <p>-Segalo se se nang le maikaelelo a a tlotlheletsang</p> <p>-Ga go na diphoso tsa thutapuo le tsa mopeleto ka gotlhe</p> <p>-Puo e e manontlhotlo ya maemo a a kwa godimo</p>	<p><b>11–12</b></p> <p>-Segalo, rejisetara, setaele le tlotlofoko di maleba thata le maikaelelo, baamogedi le bokao</p> <p>-Puo e nonofile le tiriso ya segalo e maleba</p> <p>-Bogolo jwa yona ga bo na diphoso tsa thutapuo le mopeleto</p> <p>-Puo e tihamilwe ka matsetseleko</p>	<p><b>8–9</b></p> <p>-Segalo, rejisetara, setaele le tlotlofoko di maleba le maikaelelo, baamogedi le bokao</p> <p>-Tiriso e e maleba ya puo go tihagisa bokao</p> <p>-Segalo se maleba</p> <p>-Tiriso ya malepa a a tlotlheletsang ya go tihagisa diteng</p>	<p><b>5–6</b></p> <p>-Segalo, rejisetara, setaele le tlotlofoko ga di maleba le maikaelelo, baamogedi le bokao</p> <p>-Tiriso ya puo ke ya maemo a motheo thata</p> <p>-Segalo, tlhopo le tiriso ya mafoko e e seng maleba</p> <p>-Tlotlofoko e lekanyeditswe thata</p>	<p><b>0–3</b></p> <p>-Puo ga e tihaloganyesegae</p> <p>-Segalo, rejisetara, setaele le tlotlofoko bomaleba jwa tsona bo kwa tlase le maikaelelo, baamogedi le bokao</p> <p>-Tlotlofoko e nnye thata mme e dira gore go nne thata go tihaloganyanya</p>
		<p><b>Maemo a kwa tlase</b></p>	<p><b>13</b></p> <p>-Puo e e matsetseleko ya tlotlheletso e e nonofileng mo segalong</p> <p>-Ga e na diphoso tsa thutapuo le tsa mopeleto ka gotlhe</p> <p>-E tihamilwe ka manontlhotlo</p>	<p><b>10</b></p> <p>-Puo e e ngokang e bile e nonofile ka kakaretso</p> <p>-Segalo se se siameng se nonofile</p> <p>-Diphoso tse di mmalwa tsa thutapuo le mopeleto</p> <p>-E tihamilwe bontle</p>	<p><b>7</b></p> <p>-Tiriso ya puo e e mo magareng, ka go tlhoka tsepamo</p> <p>-Segalo se siame ka kakaretso le tiriso e e lekanyeditsweng ya malepa a tlotlheletso</p>	<p><b>4</b></p> <p>-Tiriso e e bokoa ya puo</p> <p>-Mefuta ya dipolelo e mennye kgotsa ga e teng gotlhelele</p> <p>-Tlotlofoko e e lekanyeditsweng tota</p>
<p><b>KAGEGO</b></p> <p>Diponagalo tsa setlhangwa</p> <p>Kago ya ditemana le go tlangwa ga dipolelo</p> <p><b>5 MADUO</b></p>		<p><b>5</b></p> <p>-Kago e e manontlhotlo ya setlhogo</p> <p>-Dintlhana tse di tihalegileng</p> <p>-Dipolelo, ditemana di bopilwe bontlentle</p>	<p><b>4</b></p> <p>-Kago e e latelanang ya dintlhana</p> <p>-E lomagane</p> <p>-Dipolelo le ditemana, di a latelana, di a farologana</p>	<p><b>3</b></p> <p>-Kago ya dintlhana tse di maleba</p> <p>-Dipolelo, ditemana tse di bopilweng sentle</p> <p>-Tlhamo e sa ntse e na le tihaloganyo</p>	<p><b>2</b></p> <p>-Go na le dintlha dingwe tse di amogelesegang</p> <p>-Dipolelo le ditemana di fosagetse</p> <p>-Tlhamo e sa ntse e na le tihaloganyo</p>	<p><b>0–1</b></p> <p>-Dintlha tse di botlhokwa di a tihaela</p> <p>-Dipolelo le ditemana di fosagetse</p> <p>-Tlhamo e tihoka tihaloganyo</p>
<b>SEELO SA MADUO</b>		<b>43–50</b>	<b>33–40</b>	<b>23–30</b>	<b>13–20</b>	<b>0–10</b>

**RUBORIKI YA TLHATLHOBO YA SETLHANGWA SA TIRISANO SA PUO YA GAE [25 MADUO]**

Ditlhokego	Phitlhelelo ka dinaledi	Phitlhelelo ka matsetseleko	Phitlhelelo ka tekano	Phitlhelelo e e tlaelang	Ga a fitlhelela
<p><b>DITENG, THULAGANYO LE SEBOPEGO</b></p> <p>Tsibogelo le dikakanyo</p> <p>Kokoanyo ya dikakanyo gore go rulaganngwe</p> <p>Maitlthomo, baamogedi, diponagalo/melawana le tiriso</p> <p><b>MADUO 15</b></p>	<p><b>13–15</b></p> <p>-Tsibogelo ya maemo a a kwa godimo go gaisa se se lebeleletsweng ka gale</p> <p>-Dikakanyo tse di botlhale, tse di gamogileng</p> <p>-Kitso e e tseneletseng ya diponagalo tsa mofuta wa setlhangwa</p> <p>-Kwalo e e tsepameng</p> <p>-Diteng le dikakanyo di lomagane</p> <p>-Tlhaloso ya maemo a a kwa godimo e bile dintlha tsotlhe di tshegetsang setlhogo</p> <p>-Sebopego se se maleba gape se nepagetse</p>	<p><b>10–12</b></p> <p>-Tsibogelo e ntle tota e e bontshang kitso e ntle ya diponagalo tsa mofuta wa setlhangwa</p> <p>-E tsepame – ga e a fapoga setlhogo</p> <p>-Diteng le dikakanyo di lomagane, dintlha tse di thadisitsweng sentle gape di tshegetsang setlhogo</p> <p>-Sebopego se se lolameng ka diphoso tse dinnye</p>	<p><b>7–9</b></p> <p>-Tsibogelo e e lekaneng e e bontshang kitso ya diponagalo tsa mofuta wa setlhangwa</p> <p>-Ga e a tsepama ka gotlhe – go na le go eta e fapoga mo setlhogong</p> <p>-Diteng le dikakanyo di lomagane mo go utlwalang</p> <p>-Dintlha dingwe di tshegetsang setlhogo</p> <p>-Sebopego se se maleba ka kakaretso fela go na le go sa nepagale go go rileng</p>	<p><b>4–6</b></p> <p>-Tsibogelo e e kwa tlase e e supang kitso ya diponagalo tsa mofuta wa setlhangwa</p> <p>-Go na le tsepamo e e rileng mme kwalo e fapogile setlhogo</p> <p>-Diteng le dikakanyo ga di lomagane ka gale. Ke dintlha tse di mmalwa tse di tshegetsang setlhogo</p> <p>-Tiriso e e phatlhaletseng ya melawana ya sebopego</p> <p>-Go tlodisiwa ga matlho go go tseneletseng</p>	<p><b>0–3</b></p> <p>-Tsibogelo e senola go tlhoka kitso ya diponagalo tsa mofuta wa setlhangwa</p> <p>-Bokao jo bo kgoreletsegileng ka go fapoga setlhogo go go feteletseng</p> <p>-Ga go na tomagano ya diteng le dikakanyo</p> <p>-Ke dintlha di le mmalwa fela tse di tshegetsang setlhogo</p> <p>-Ga go a dirisiwa melawana ya sebopego</p>
<p><b>PUO, SETAELE LE GO TSELEGANYA/RUNA</b></p> <p>Segalo, rejisetara, setaele, maitlthomo, baamogedi le tiriso</p> <p>Tiriso ya puo le melawana</p> <p>Tlhopho ya mafoko</p> <p>Matshwao a puiso le mopeleto</p> <p><b>MADUO 10</b></p>	<p><b>9–10</b></p> <p>-Segalo, rejisetara, setaele le tlotlofoko tse di maleba thatathata le maitlthomo, baamogedi le tiriso</p> <p>-Thutapuo e nepagetse e bile e agegile sentle</p> <p>-E e se nang diphoso gotlhelele</p>	<p><b>7–8</b></p> <p>-Segalo, rejisetara, setaele le tlotlofoko tse di maleba thata le maitlthomo, baamogedi le tiriso</p> <p>-Thutapuo e nepagetse ka kakaretso e bile e agegile sentle</p> <p>-Tlotlofoko e e siameng tota</p> <p>-Bogolo ga go na diphoso</p>	<p><b>5–6</b></p> <p>-Segalo, rejisetara, setaele le tlotlofoko di maleba le maitlthomo, baamogedi le tiriso</p> <p>-Go diphoso dingwe tsa thutapuo</p> <p>-Tlotlofoko e e lekaneng</p> <p>-Diphoso ga di kgoreletse bokao</p>	<p><b>3–4</b></p> <p>-Segalo, rejisetara, setaele le tlotlofoko di fosagetse go le gonnye go maitlthomo, baamogedi le tiriso</p> <p>-Thutapuo e e sa lolamang ka diphoso tse dintsi</p> <p>-Tlotlofoko e e lekanyeditsweng</p> <p>-Bokao bo kgoreletsegile</p>	<p><b>0–2</b></p> <p>-Segalo, rejisetara, setaele le tlotlofoko ga di tsamaisane le maitlthomo, baamogedi le tiriso</p> <p>-E phephetha ka diphoso gape e tlhakatlhakane</p> <p>-Tlotlofoko ga e maleba go maitlthomo</p> <p>-Bokao bo kgoreletsegile tota</p>
<b>SEELO SA MADUO</b>	<b>22–25</b>	<b>17–20</b>	<b>12–15</b>	<b>7–10</b>	<b>0–5</b>

**KAROLO YA A: TLHAMO****POTSO 1****MEFUTA YA DITLHAMO****1.1 Tlhamo ya kanelo**

Mofuta o wa tlhamo, o anela ka sengwe kgotsa tiragalo e e fetileng. E ka kwalwa go tswa mo matlhakoreng a a farologaneng.

Sekao sa setlhogo: **Lemphorwana la bojalwa ga le fofele kgakala.**

**Dintlha tse di latelang di tshwanetse go elwa tlhoko fa go tshwaiwa tlhamo ya kanelo:**

- Ditiragalo di tshwanetse go latelana sentle, mme mmuisi a dumele gore di diragetse, le fa tota e le dijo tsa ditoro.
- Tlhamo e kwalwe ka paka e e fetileng.
- Matseno e nne a a ngokang.
- Kanelo e ntle go le gantsi e tlhagisa ntlha e e rileng.
- Bokhutlo e nne jo bo kgodisang.
- Kanelo e tshwanetse go ngoka mmuisi go tloga kwa tshimologong go fitlha kwa bofelong.
- Setaele, puo le ditiragalo di tshwanetse go itumedisa babuisi.
- Kanelo e e atlegileng e bontsha diteng tse di maleba ka botlalo jaaka pono, modumo, monko/monkgo le tiriso ya ditemosi tse dingwe.
- Go tshwanetswe ga elwa tlhoko gore mofuta o wa tlhamo o a tlhalosa.

**Se se lebeletsweng mo motlhatlhojweng:**

- A kwale setlhogo se a itlhophetseng sona.
- Tlhaloso ya setlhogo.
- A anele ka ditlamorago tsa bojalwa.
- A tlhagise poelomorago e e ka tlisiwang ke go rata bojalwa.
- A tlhagise maikutlo a gagwe ka bojalwa.
- Tshobokanyo ka ditiro tsa bojalwa.

**[50]****1.2 Tlhamo ya tlhaloso**

Mokwadi mo tlhamong e, o tlhalosa sengwe ka mokgwa o mmuisi a tlaa itemogelang se se tlhalosiwang jaaka go batlega.

Sekao sa setlhogo: **Moletlo wa letsatsi la Ngwao Boswa.**

**Dintlha tse di latelang di tshwanetse go elwa tlhoko fa go tshwaiwa tlhamo ya tlhaloso:**

- Motlhatlhojwa o tshwanetse go bopa setshwantsho ka mafoko a a filweng.
- Motlhatlhojwa a tlhophe mafoko le tiriso ya mafoko a a bontshang maikutlo ka kelotlhoko go gorosa molaetsa sentle.

- Go dirisiwe ditshwantsho tsa pono, modumo le kutlo, go tihalosa mofuta o wa tlhamo sentle.
- Puo ya botshwantshi e dirisiwe ka boitshimololeli.
- Motlhatlhojwa a bontshe fa a na le maitemogelo mo setlhogong se.

**Se se lebeleletsweng mo motlhatlhojweng:**

- Setlhogo se a itlhophetseng sona.
- Tihaloso ya setlhogo.
- A tthagise letsatsi le lefelo le moletlo o tshwaretsweng kwa go lona.
- Tihaloso ya mokgwa o moletlo o tshegeditsweng ka ona.
- A tthagise se se mo itumedisitseng/se sa mo itumedisang mo moletlong.
- A tthalose maikutlo a gagwe ka mofuta o wa moletlo mo bokhutlong jwa gagwe.
- Bokhutlo jo bo lebeleletsweng.

[50]

**1.3 Tlhamo ya ngangisano**

Mo tlhamong e, motlhatlhojwa o tthagisa kakanyo, ntlhakemo mme a nganga ka maitlhamo a go dibela kemo ya gagwe.

Kakanyo ya motlhatlhojwa e tshwanetse go totobala go simolola kwa ntlheng go fitlha kwa bofelong. Tlhamo e, e tshwanetse go tthagisa letlhakore le le lengwe mme motlhatlhojwa a leke go pateletsa mmuisi go leba ditiragalo ka leitlho la gagwe.

Sekao sa setlhogo: **Makgotla a bomasepala a direla baagi ka botswapelo. Dumela kgotsa o ganetse tthagiso e.**

**Dintlha tse di latelang di tshwanetse go elwa tlhoko fa go tshwaiwa tlhamo ya ngangisano:**

- Motlhatlhojwa a simolole ka go tthagisa ntlhakemo ya gagwe go bontsha boitshimololeli.
- A neye mefutafuta ya dingangisano go tshegetsa ntlhakemo ya gagwe mme a tthalose se.
- Tlhamo e tthagise letlhakore le le lengwe mme dikakanyo di tthagisiwe ka kgatelelo e kgolo. Go dirisiwe mefuta e e farologaneng ya didiriswa tsa puo le dithekeniki tsa tirisopuo.
- Puo e dirisiwe ka maikutlo mme motlhatlhojwa a se ka a tlhoka maitseo.
- Bokhutlo bo tshwanetse go tthagisa kakanyo e e tlhomameng, e e tthaloganyegang mme e pateletse mmuisi go dumelana le tse di tthagisitsweng. Tlhamo ya mofuta o, e kwalwe ka pakajaanong.

**Se se lebeleletsweng mo motlhatlhojweng:**

- Setlhogo se a itlhophetseng sona.
- Tihaloso ya setlhogo.
- A tthagise ntlhakemo ya gagwe mme a e dibele ka bosupi jo bo rileng.
- A tshegetse bosupi jwa gagwe ka dikao mo go leng maleba.
- A akgole kgotsa a tthagise keletso ya se se ka dirwang mo bokhutlong jwa gagwe.

[50]

#### 1.4 Tlhamo ya tlhaloso

Mokwadi mo tlamong e, o tlhalosa sengwe ka mokgwa o mmuisi a tlaa itemogelang se se tlhalosiwang jaaka go batlega.

Sekao sa setlhogo: **Re ne re le mo phaposiborutelong fa go utlwala thoromo ya lefatshe ...**

**Dintlha tse di latelang di tshwanetse go elwa tlhoko fa go tshwaiwa tlhamo ya tlhaloso:**

- Motlhatlhojwa o tshwanetse go bopa setshwantsho ka mafoko a a filweng.
- Motlhatlhojwa a tlohpe mafoko le tiriso ya mafoko a a bontshang maikutlo ka kelotlhoko go gorosa molaetsa sentle.
- Go dirisiwe ditshwantsho tsa pono, modumo le kutlo go tlhalosa mofuta o wa tlhamo sentle.
- Puo ya botshwantshi e dirisiwe ka boitshimolledi.
- Motlhatlhojwa a bontshe fa a na le maitemogelo mo setlhogong se.

**Se se lebeleletsweng mo motlhatlhojweng:**

- Setlhogo se a ithophetseng sona.
- Tlhaloso ya setlhogo.
- A tlhalose tiragalo gore mmuisi a tthaloganye se se diragetseng.
- A dirise dikutlo jaaka modumo le pono go senola tiragalo.
- A tlhalose ka moo thoromo e amileng batho ka teng.
- A tthagise se se ileng sa dirwa morago ga tiragalo.
- Tthagiso ya maikutlo a gagwe ka motsi le tiragalo eo.

[50]

#### 1.5 Tlhamo e e sa tseyeng letlhakore

Mofuta o wa tlhamo o tthagisa ngangisano e e lekalekanang go emela kgotsa go nna kgatlanong le sengwe se setlhogo se buang ka ga sona. Kemo ya mokwadi e tthagisiwa fela kwa bokhutlong.

Sekao sa setlhogo: **Boleng jwa Letsatsi la Mandela mo Aforikaborwa.**

**Dintlha tse di latelang di tshwanetse go elwa tlhoko fa go tshwaiwa tlhamo e e sa tseyeng letlhakore:**

- Tlhamo e e sa tseyeng letlhakore e itshupe ka go lekalekana.
- E tthagise matlhakore a mabedi a a farologaneng a ngangisano e e rileng.
- Popego e rulagane ka kelotlhoko le tthomamo.
- E lebelele kemo ya botlhe, fela mokwadi a itebelele ka dinako dingwe.
- Puo e nne e e tsosang maikutlo.
- Ngangisano e dire tthaloganyo e e utlwalang.
- Bokhutlo bo supe kemo ya mokwadi.

**Se se lebeletsweng mo motlhatlhojweng:**

- Setlhogo se a itlhophetseng sona.
- Tlhaloso ya setlhogo.
- A tlhagise botlhokwa jwa letsatsi le.
- A tlhagise matlhakore a mabedi ka kgang e.
- A tlhagise dikemo tsa batho a sa le bale le ya gagwe.
- A tlhalose maikutlo a gagwe gore go dirilwe eng go tlotla letsatsi le.
- A tlhagise dintlha tsa gagwe ka mokgwa o o kgodisang.
- A supe kemo ya gagwe kwa bokhutlong.

**[50]****1.6 Tlhamo ya maitlhamo**

Mo mofuteng o wa tlhamo motlhatlhojwa o leba kakanyo, a bo a tlhagisa maikutlo/tsibogo ya gagwe. Motlhatlhojwa a ka leba ditoro kgotsa se a eletsang go se fitlhelela mo botshelong jwa gagwe mme a kwale maitlhamo a gagwe.

Sekao sa setlhogo: **Fa nka nna mmalapa kgotsa rralapa ...**

**Dintlha tse di latelang di tshwanetse go elwa tlhoko fa go tshwaiwa tlhamo ya maitlhamo:**

- Tlhamo ya maitlhamo e tseye letlhakore.
- Maikutlo a nne le seabe sa botlhokwa.
- Karolo e kgolo mo tlhamong e ka tlhalosa. Ditlhaloso di tshwanetse go bonala, maikaelelo e le go tlhagisa gape maikutlo a motlhatlhojwa a nako e e fetileng.
- Dikakanyo/Megopolo/Maikutlo di tshwanetse go senola boammaaruri le maitemogelo.

**Se se lebeletsweng mo motlhatlhojweng:**

- Setlhogo se a itlhophetseng sona.
- Tlhaloso ya setlhogo.
- Tlhamo e tseye letlhakore.
- Tlhamo e tlhagise maikutlo.
- A tlhagise se se lebeletsweng go mmalapa kgotsa rralapa mabapi le:
  - Ditiro kgatlhanong le botsadi
  - Kgodiso ya bana
  - Tlanelo mo lapeng
- Tshobokanyo ka maikarabelo a mmalapa le rralapa.

**[50]**



## 1.7 1.7.1 Tlhamo ya kanelo

Mofuta o wa tlhamo, o anela ka sengwe kgotsa tiragalo e e fetileng. E ka kwalwa go tswa mo matlhakoreng a a farologaneng.

Sekao sa setlhogo: **Setshwantsho.**

**Dintlha tse di latelang di tshwanetse go elwa tlhoko fa go tshwaiwa tlhamo ya kanelo:**

- Ditiragalo di tshwanetse go latelana sentle mme mmuisi a dumele gore di diragetse, le fa tota e le dijo tsa ditiro.
- Tlhamo e kwalwe ka paka e e fetileng.
- Matseno e nne a a ngokang.
- Kanelo e ntle go le gantsi e tlhagisa ntlha e e rileng.
- Bokhutlo e nne jo bo kgodisang.
- Kanelo e tshwanetse go ngoka mmuisi go tloga kwa tshimologong go fitlha kwa bofelong.
- Setaele, puo le ditiragalo di tshwanetse go itumedisa babuisi.
- Kanelo e e atlegileng e bontsha diteng tse di maleba ka botlalo jaaka pono, modumo, monko/monkgo le tiriso ya ditemosi tse dingwe.
- Go tshwanetswe ga elwa tlhoko gore mofuta o wa tlhamo o a tlhalosa.

## **Tlhamo ya tlhaloso**

Mokwadi mo tlhamong e, o tlhalosa sengwe ka mokgwa o mmuisi a tlaa itemogelang se se tlhalosiwang jaaka go batlega.

**Dintlha tse di latelang di tshwanetse go elwa tlhoko fa go tshwaiwa tlhamo ya tlhaloso:**

- Motlhatlhojwa o tshwanetse go bopa setshwantsho ka mafoko a tlhalosa tiragalo e e mo setshwantshong.
- Motlhatlhojwa a tlhophe mafoko le tiriso ya mafoko a a bontshang maikutlo ka kelotlhoko go gorosa molaetsa sentle.
- Go dirisiwe ditshwantsho tsa pono, modumo le kutlo go tlhalosa mofuta o wa tlhamo sentle.
- Puo ya botshwantshi e dirisiwe ka boitshimoleledi.
- Motlhatlhojwa a bontshe fa a na le maitemogelo mo setlhogong se.

## **Se se lebeletsweng mo motlhatlhojweng:**

- Setlhogo se a itlhophetseng sona.
- Tlhaloso ya setlhogo.
- Tiriso ya mafoko a a tlhagisang pono, modumo le kutlo go tlhalosa tiragalo e e mo setshwantshong.
- Setaele, puo le ditiragalo tse di itumedisang babuisi.
- A supe bokgoni jwa boitshimoleledi.
- Bokhutlo bo supe maikutlo a gagwe.

[50]

### 1.7.2 Tlhamo ya kanelo

Mofuta o wa tlhamo, o anela ka sengwe kgotsa tiragalo e e fetileng. E ka kwalwa go tswa mo matlhakoreng a a farologaneng.

Sekao sa setlhogo: **Setshwantsho.**

**Dintlha tse di latelang di tshwanetse go elwa tlhoko fa go tshwaiwa tlhamo ya kanelo:**

- Ditiragalo di tshwanetse go latelana sentle mme mmuisi a dumele gore di diragetse, le fa tota e le dijo tsa ditoro.
- Tlhamo e kwalwe ka paka e e fetileng.
- Matseno e nne a a ngokang.
- Kanelo e ntle go le gantsi e tlhagisa ntlha e e rileng.
- Bokhutlo e nne jo bo kgodisang.
- Kanelo e tshwanetse go ngoka mmuisi go tloga kwa tshimologong go fitlha kwa bofelong.
- Setaele, puo le ditiragalo di tshwanetse go itumedisa babuisi.
- Kanelo e e atlegileng e bontsha diteng tse di maleba ka botlalo jaaka pono, modumo, monko/monkgo le tiriso ya ditemosi tse dingwe.
- Go tshwanetswe ga elwa tlhoko gore mofuta o wa tlhamo o a tlhalosa.

### Tlhamo ya ngangisano

**Dintlha tse di latelang di tshwanetse go elwa tlhoko fa go tshwaiwa tlhamo ya ngangisano:**

- Motlhatlhojwa a simolole ka go tlhagisa ntlhakemo ya gagwe go bontsha boitshimolole.
- A neye mefutafuta ya dingangisano go tshegetsa ntlhakemo ya gagwe mme a tlhalose se.
- Tlhamo e tlhagisa letlhakore le le lengwe mme dikakanyo di tlhagisiwa ka kgatelelo e kgolo. Go dirisiwe mefuta e e farologaneng ya didiriswa tsa puo le dithekeniki tsa tirisopuo.
- Puo e dirisiwe ka maikutlo mme motlhatlhojwa a se ka a tlhoka maitseo.
- Bokhutlo bo tshwanetse go tlhagisa kakanyo e e tlhomameng, e e tlhaloganyegang mme e pateletse mmuisi go dumelana le tse di tlhagisitsweng. Tlhamo ya mofuta o, e kwalwe ka pakajaanong.

**Se se lebeletsweng mo motlhatlhojweng:**

- Setlhogo se a itlhophetseng sona.
- Tlhaloso ya setlhogo.

- A anele kgotsa a ngangisane ka tiragalo e e mo setshwantshong
- Fa a anela a tlhagise ntlha e e rileng.
- Fa a nganga a neye mefutafuta ya dingangisano le go tshegetsisa ntlhakemo ya gagwe.
- Tlhopho le tiriso ya mafoko a a bontshang maikutlo ka kelotlhoko go gorosa molaetsa sentle.
- Setaele, puo le ditiragalo tse di itumedisang babuisi,
- A supe bokgoni jwa boitshimoleledi,
- Bokhutlo bo supe maikutlo a gagwe.

[50]

**PALOGOTLHE YA KAROLO YA A: 50**

**KAROLO YA B: DITLHANGWA TSA TIRISANO****POTSO 2****2.1 LEKWALO LA BOTSALANO**

Lekwalo la botsalano ke le le kwalelwang mongwe yo o amanang le ena ka tsela nngwe, thaeletsana ka ga sengwe jaaka tebogo, kopo, thotloetso, keeletso masego, jj.

**Dintlha tse di tshwanetseng go elwa tlhoko:**

- Lekwalo le, le le leele, ka lona motlhatlhojwa o buisana le balosika, ditsala le bangwe fela ba a ka neng a itsane nabo.
- Go se ka ga nna le diphoso tsa mofuta ofe mo lekwalong le.
- Motlhatlhojwa a ka ya lolololo ka dikgang tse a batlang go di tlotla.
- A kwale matseno a a ngokang mmuisi go buisa lekwalo le go supa motho yo a mo kwalelang.
- Motlhatlhojwa a kwale aterese e le nngwe ya gagwe.

**Se se lebeletsweng mo motlhatlhojweng:**

- Aterese e nne nngwe, ya mokwadi.
- Ditumediso di kwalwe.
- Thadisa ditiragalo tsa letsatsi la moletlo.
- Tlhalosa maikutlo a gago.
- Bokhutlo e nne jo bo maleba jo bo solofetsweng.

**[25]****2.2 LEKWALO LA SEMMUSO**

Lekwalo la semmuso ke le le kwalelwang setheo sengwe se se rileng. Motlhatlhojwa o kopa maitshwarelo ka se a se boneng se diragala ka maitsholo a ditsala kwa dijong tsa maitseboa.

**Dintlha tse di tshwanetseng go elwa tlhoko:**

- Lekwalo le, le lekhutshwane.
- Go se ka ga nna le diphoso tsa mofuta ofe mo lekwalong le.
- Neelana ka tshedimosetso ya se o se kopang.
- A kwale dinomoro tsa megala kwa a ka fitlhelwang gona go neelana ka tshedimosetso e e ka tlhokegang.
- Motlhatlhojwa a kwale diaterese di le pedi, ya gagwe le ya motho yo a mo kwalelang.

**Se se lebeletsweng mo batlhatlhojweng:**

- Setlhogo le ditumediso di kwalwe.
- Go thadisiwe ka tshedimosetso ya maitsholo, lefelo, letlha le nako go kgontsha molaodimogolo go itse gore o kopa maitshwarelo a tiragalo efe.
- Tlhagisa maikaelelo a go siamisa le gore o tlaa dira eng
- Bokhutlo e nne jo bo solofetsweng.

**[25]**

**2.3 PUO**

Puo ke karolo ya botlhokwa ya go fatlhosana. E ka direlwa matšhwititšhwiti a batho kgotsa setlhotshwana se se rileng sa batho. Go ema setšhaba ka lefoko go farologana le go bua le setlhotshwana sa batho.

**Dintlha tse di tshwanetseng go elwa tlhoko:**

- Puo e tshwanetse go ngoka kgatlhego fa e simololwa.
- Dintlha di tshwanetse go agiwa ka tolamo go tila go phatlhalala ga dintlha.
- Mmui a tseye tsia bareetsi ba gagwe.
- Dirisa dipolelo tse di khutshwane ka dikakanyo tse di bonolo, dirisa dikao tse di tlwaelegileng.
- Lekalekanya kganetsano ka go neelana ka dikgonagalo tse di utlwalang.
- Puo e e tlhagisiwang e nne le matseno, mmele le bokhutlo.

**Se se lebeletsweng mo motlhatlhojweng:**

- Matseno e nne a a ngokang.
- Puo e akaretse matshwenyego a baagi ka matlakala.
- Mmui a dirise dikao tse di tlwaelegileng.
- Mmui a dirise puo e e gwetlhang le go tshegetsa bareetsi.
- Puo e fe tlhagiso ya tharabololo.

**[25]****2.4 MMUISANO**

Mmuisano ke mokgwa wa tlhaeletsano o o dirisiwang ke batho ba le babedi kgotsa go feta ba buisana ka ga dikakanyo kgotsa ka ga setlhogo sengwe se se rileng. Sebopego sa yona ke sa dipotsotherisano fela ona o dirisiwa gongwe le gongwe ke mongwe le mongwe.

**Dintlha tse di tshwanetseng go elwa tlhoko:**

- Mmuisano o kwalwa ka mokgwa o moterama a kwalang ka ona.
- Go nna dibui di le pedi kgotsa go feta.
- Dipolelo tsa dibui di nne dikhutshwane.
- Diteng di supe boitlhamedi, kelelo ya dintlha le go tsamaelana ga ditiragalo.
- Maina a dibui a tlhagelele sentle.
- Matseno, mmele le bokhutlo di dirisiwe sentle. Kgang e bontshe tshimologo, setlhoa le tharabololo.
- Puo le moonno di tsamaelane le ditiragalo.
- Puo e nne e e tlhamaletseng kgotsa e e loileng go tsamaelana le se se buiwang.
- Matshwao a puiso a tsamaelane le puisano.

**Se se lebeletsweng mo motlhatlhojweng:**

- Mmuisano o tote kang ya mogwebi.
- Dikgang tsa mogwebi di supe matshwenyego.
- Puo e nne e e tlhamaletseng.
- Bokhutlo e nne jo bo lebeletsweng.

**[25]**

**2.5 PEGELO**

Pegelo e kwalelwa setheo se se rileng, motlhatlhojwa o neelana ka diphithhelelo le dikatlanegiso tsa se a neng a laetswe go se dira.

**Dintlha tse di tshwanetseng go elwa tlhoko:**

- Leina la sekolo, moromedi le moamogedi di tthagisiwe.
- Setlhogo sa pegelo se boelele ka botlalo gore go begwa ka ga eng.
- E kwalwa ka pakapheti.
- Motlhatlhojwa a tthagise diphithhelelo le dikatlanegiso.
- Motlhatlhojwa a saene, a supe tiro kgotsa maemo a gagwe le letlha le a kwadileng pegelo ka lona.

**Se se lebeleletsweng mo batlhatlhojweng:**

- Setlhogo le ditumediso di kwalwe.
- Motlhatlhojwa a bege ka dipuisano le ditshwetso tse di tshotsweng/tserweng kwa khonferenseng e e neng e le ka ga diritibatsi le tiriso ya tsona mo dikolong.
- Tthagisa diphithhelelo tse di tthagisitsweng kwa khonferenseng.
- Neelana ka dikatlanegiso tsa gore go ka dirwang go fedisa tirisobotlhaswa ya diritibatsi.
- Bokhutlo e nne jo bo solofetsweng.

**[25]****2.6 ATHIKELE YA LEKWALODIKGANG**

Athikele ya lekwalodikgang ke karolwana ya lekwalodikgang e batho ba kwalang dikgang dingwe kgotsa ba bega sengwe gore se buisiwe ke botlhe.

**Dintlha tse di tshwanetseng go elwa tlhoko:**

- Neelana ka setlhogo se se bonalang sentle o bo o tsenye ditlhogwana tse di tthaloganyegang sentle.
- Simolola ka dintlha tse di botlhokwa thata: mang, jang, leng, kae, goreng le go fitlhelela kae.
- Dintlha di tthagisiwe ka boripana le ka tsepamo.
- Mokwadi a leke go tthaeletsana ka mokgwa wa go sa latlhe mooko wa kang mme o fitlhelela mmuisi.
- Sobokanya ka tsepamo kwa ntle le go fitlha boammaaruri.

**Se se lebeleletsweng mo motlhatlhojweng:**

- Setlhogo e nne se se ngokang, se na le kgogedi.
- Mo temaneng ya ntlha a sobokanye dilo tse di diragetseng.
- A boelele gore ke mang yo o nyalang/nyalwang? Kae? Leng? Jang?
- A tthagise maikutlo a a neng a le teng.
- A dirise mafoko a a ngokang kgatlhego.

**[25]**

**PALOGOTLHE YA KAROLO YA B: 50**  
**PALOGOTLHE: 100**